



**Naalackersuisut Qaqortumi GUX-imi timersornermut sammivilimmik pilersitsinissami neqerooruteqarnissamilu pitsaaqutit ajoqutillu nalilersorneqarnerannik imalimmik nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaammi ersersineqassapput taamatut isummernermi aningaasatigut allaffissornikkullu kingunerisassai. Nassuiaat Inatsisartunut agguanneqareersimassaaq 1. januar 2027 nallertinnagu.**

(Inatsisartunut ilaasortaq Karen Marie Kyed Frederiksen, Demokraatit)

(Siullermeerneqarnera)

**Naalackersuisut Ilulissani GUX-imik tassungalu atatillugu ilinniartut inaannik kingusinnerpaamik ukioq 2027 naatinnagu pilersitsinissaannut peqquneqarnissaannik Inatsisartunut aalajangiiffigisassatut siunnersuut.**

(Inatsisartunut ilaasortaq Jens NapātôK', Naleraq)

(Siullermeerneqarnera)

Qujanaq siunnersuuteqartunut siunnersuutitut marlunnut soqutiginaatilinnut, immikkut uani oqaaseqaateqarfigerusutannut.

## **Punkt 56**

Qaqortumi GUX Idrætslinjemik peqalernissaa taperserparput Demokraatiniik, tassami inuusuttortatta ingerlariaqqiffiusumik timersornermik ilinniarnissaat taperserparput, sanitigullu inuusuttut toqqagassaqarnerulaalissapput, Nuummi kisimi periarfissatut massakkut inissisimavoq taamaamat Kujataani peqalernissaa isumaq torrapoq.

Soorlumi aamma eqqartorneqakkajuppoq Aalasa 2030 tassungalu tunngatillugu aamma siunertaq atassuteqarnera inissaminiissoraara. Aammattaaq inuusuttut sumiiffigerusutartik toqqarsinnaalerunikku ilimagisinnaavara aamma arlaatigut ajunngitsortaqaassasoq, tunngavigalugu ilaasa suminngaanneerfitsik ungaserujussuartaqarunnaassavaat ilaasalu aamma Qaqortumi ilinniarneq toqqarusukkunikku periarfissiisaaq Kalaaleqatigiikkalarluta suminngaannerfik alla avatangiiserinissannut, tamannalu inuusuttuni aamma ineriartuutissatut isigaarput.

Massakkummi aamma Kujataani timersornikkut siuariartuinnaavipput, tamannalu Idrætslinjeqalernissaanut aamma ilimanarluni ingerlalluartsinissaanut.

Demokraatit maluginiarpaat, Naalackersuisut allannguutissatut siunnersuuteqarsimasut. Allannguutissatut siunnersuut taanna aammalu siunnersuut siulleq Kultureqarnermut, Ilinniartitaanermut, Ilisimatusarnermut Ilagiinnullu ataatsimiititaliami suliareqqinneqartussatut innersuupparput



# DEMOKRAATIT

## **Punkt. 75**

Ilulissani GUX Avannaani nunaqarfiit illoqarfiillu amerlapput, taamaammat ilinniaqqiffissat taamaattut matunik ammaassisut Demokraatiniik isumaqataavugut, inuusuttortatta assigiinnginnerat aallaavigalugu inerisaaneq aallartittariaqarpoq nalunngilarpullu Avannaani aalisartoqarfissuusooq inuusuttortattalu meeraanermiinnik siuaatik aalisartut isigisatik tumaat malippaat amerlasuut.

Demokraatini siuttuujuaannarsimavugut, GUX-imik pilersitsisoqassasoq Ilulissani. Isumaqarpugulli, pissusissamisoortoq atituumik isiginissaq, Ilulissani ilinniarfinnik sunik pisariaqartitsisoqarnersoq paasissallugu. Tamanna tunngavigalugu aallaavittut Naalackersuisut aallannguutissatut siunnersuutaat taperserparput.

Allannguutissatut siunnersuut siunnersuullu siulleq Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliareqqinneqarnissaat innersuussutigaarput